

黑龍江外記卷三

長白西 清

黑龍江索倫地今所居不盡索倫滿洲漢軍徒自吉林巴爾呼鄂勒特歸自蒙古達呼爾俄倫春畢喇爾則其同鄉而別為部落者世於黑龍江人不問部族概稱索倫黑龍江人居之不疑亦雅喜以索倫自號說者謂索倫驍勇聞天下假其名足以自壯此論得之

滿洲有佛伊徹之分國語舊曰佛新曰伊徹轉而為伊齊案當作轉而為伊齊又轉為義氣其初多吉林產也又有所謂庫雅喇滿洲瓜勒察滿洲者以地名皆伊徹滿洲也百餘年來分駐齊齊哈爾黑龍江呼蘭三城編其旗為八曰鑲黃正白鑲白正藍左翼也

黑龍江外記卷三

廣雅書局采

曰正黃正紅鑲紅鑲藍右翼也左右翼國語曰達斯歡噶喇哲伯勒噶喇土人但稱達斯歡哲伯勒所謂歇後土語類然約計之八旗佛滿洲不過什一而族望素著者惟瓜爾佳舒穆魯數姓

漢軍其先多出山左齊齊哈爾墨爾根黑龍江三城有之其豪族崔王兩姓崔尤盛號崔半城而東崔不與王氏相傳完顏裔又有果氏者以為系出滿洲皆不可考索倫族類至繁有敖喇都喇爾布喇穆等姓布特哈呼倫貝爾皆有之在齊齊哈爾墨爾根黑龍江者寥寥亦有流寓俄羅斯者其國謂之喀穆尼漢又謂之通古斯蓋羅刹作亂劫去者數十年前嘗有願歸故土之請今不聞

達呼爾一作達呼里舊作打虎兒有音無字譯寫偶不同也著姓有克因精奇里瓦蘭果布勒等氏而占籍於齊齊哈爾墨根黑龍江布特哈間有流寓呼倫貝爾者不過數家

巴爾呼鄂勒特皆蒙古也巴爾呼一作巴爾虎亦有新舊之別在齊齊哈爾者舊巴爾呼也在呼倫貝爾者新舊巴爾呼相間而新者盛也鄂勒特一作厄魯特多在呼倫貝爾齊齊哈爾間有之

俄倫春索倫達呼爾類也亦有姓都喇爾者似與索倫為近其隸布特哈八旗為官兵者謂之摩凌阿俄倫春其散處山野僅以納貂為役者謂之雅發罕俄倫春

案鄂倫春部人善用火槍黑省編入隊伍

阿雅發罕猶言馬上步下此國語也雅發罕俄倫春有布特哈

黑龍江外記卷三

廣雅書局采

官五員分治三歲一易號曰諸達諸達歲以徵貂至其境其人先期畢來奉命惟謹過此則深居不可蹤跡矣畢喇爾亦然畢喇爾有驍騎校四員分治其人有姓默訥赫爾者有姓都訥亨者蓋即俄倫春類

旗下八部落外來自內地編入軍籍者營站屯三項也營水師營也總管治之站上下二十站也站官治之屯官地也屯官治之三者流人戍卒子孫而吳尙耿三藩舊戶站上居多故皆無仕進之例不應役則自食其力而屯丁請還籍聽之營站兩項不能也

流人遇赦不歸例入官地安插不則自入伯都訥民籍然後可居境內非是者謂之浮民境內不留也然今齊齊哈爾浮民無

數商販私立家業者亦不少皆例所禁嘉慶十三年編審戶口齊齊哈爾旗營站屯九千七百二戶四萬八千三百一十一名口墨爾根八旗營屯一千八百五十五戶七千九百六十九名口黑龍江八旗營屯四千一百九十九戶一萬九千三百八十八名口呼倫貝爾八旗四千七百六十九戶二萬九千七百一十三名口布特哈八旗四千三十三戶一萬八千九百三十三名口呼蘭八旗營屯一千六百五十九戶一萬一千九百一十四名口通計全省共二萬六千二百一十七戶十三萬六千二百二十八名口生齒可謂繁矣黑龍江置將軍鎮守自康熙二十二年始原駐黑龍江城二十九年移墨爾根三十八年移齊齊哈爾

案齊齊哈爾距愛琿八百里餘里聲息太不相通自以邊駐黑龍江城為扼要

百餘年來率以

黑龍江外記卷三

三

廣雅書局采

宗室及京師滿洲為之惟塔

爾岱

為齊齊哈爾土著然公歸自

軍營卽

予告終未受事

齊齊哈爾墨爾根黑龍江各副都統一員國語曰梅勒章京俗稱二大人齊齊哈爾康熙三十七年設墨爾根三十二年設黑龍江二十二年設始為之者墨爾根喀

特護

黑龍江溫

岱

後移

喀於齊齊哈爾遂為省城副都統之首

墨爾根黑龍江未設副都統時城守尉一員駐之既設副都統遂裁而其印至雍正八年乃廢以副都統有印自是年始齊齊哈爾副都統與將軍同城故無印年班及遷調缺亦不署然通省事皆得與聞此與墨爾根黑龍江專治一城者不同

將軍幕下初設管檔主事一員倉屯官筆帖式爲之土缺也以司堂上事俗稱堂主事從前挂朝珠知非定制乃已然今僭用繁纓如故

乾隆三年部議黑龍江設理事通判一員將軍額勒圖請改主

事在幕理刑並請銀庫置員外郎部議亦置主事均由六部筆

帖式簡授久之將軍宗室恆秀請理刑主事改用土人未幾所

改者以屯官獄戍伊犁乃照例復用刑部理藩院筆帖式都下

筆帖式相擲揄曰若何酷似黑主事黑主事管庫理刑之謂也

將軍副都統下統理旗務者協領也國語曰固山達舊作固山

大齊齊哈爾一員治一旗共八員墨爾根黑龍江一員兼二旗

各四員並以滿洲索倫達呼爾巴爾呼爲之亦有參用漢軍者

黑龍江外記卷三

四 廣雅書局

軍營薦授非定例又將軍那啟泰嘗請簡用京員尋以京員得

罪不復用

協領下分理旗務者佐領也國語曰牛录章京有公中世管之

分齊齊哈爾滿洲十六員漢軍四員索倫四員達呼爾十二員

巴爾呼四員共四十員墨爾根漢軍二員索倫十員達呼爾五

員共十七員黑龍江滿洲十六員漢軍二員索倫一員達呼爾

七員共二十員而齊齊哈爾索倫近日式微其佐領額缺皆爲

達呼爾所并

介乎佐領驍騎校可以稽察一旗者防禦也國語曰圖窪沙喇

哈番尼案當作哲爾吉章京俗但稱哲爾吉章京亦稱蘇喇章

京齊齊哈爾墨爾根黑龍江各八員皆滿洲

水師營總管一員國語曰烏赫里達駐劄齊齊哈爾其下有四六品官各二員而黑龍江四品官一員五六品官各二員及駐劄吉林造船四五六品官各一員皆聽管轄例以漢軍爲之其所屬同

火器營參領一員國語曰扎蘭章京舊作甲喇章京亦漢軍缺其下素無士卒春秋操放鎗礮調旗兵暫用之而所司火器旗下佐領二員典守是其屬官故齊齊哈爾水火二營參領號間曹

齊齊哈爾墨爾根黑龍江呼蘭各七品倉官一員掌圖記而無俸初以三年滿離任候陞將軍宗室恆秀奏改四年諸部人皆可爲之

黑龍江外記卷三

五

廣雅書局珠

屯官管理官屯七品官先是齊齊哈爾墨爾根黑龍江呼蘭旣立官屯事皆倉官兼理雍正十二年郎中達善請各設屯官一員五年滿在任候陞將軍宗室恆秀奏改四年諸部人皆可爲之

上下站各站官一員諸部人皆用之本六品有印乾隆三十七年給事中薩欣請照吉林改八品並改六年滿在任候陞爲離任停俸候陞今則六年改四年亦將軍宗室恆秀奏定

額設筆帖式有清漢繙譯蒙古繙譯營倉站三項之分齊齊哈爾三十八員墨爾根黑龍江各六員皆未入流惟銀庫二員九品食俸例選習漢文者引

見補授亦乾隆三年設

上下二十站各筆帖式一員站上稱相公而站官下關防筆帖式二員稱總老爺他無此號

筆帖式未入流者咨部注冊號實缺其將軍委放不咨部仍歸春秋操閱者謂之阿喇哈筆帖式土人戲為諺云頭上金頂亂碰提到官事發楞問君多大前程二十四兩準秤譏其實為馬甲也

康熙三十四年將軍薩_{布素}疏請墨爾根兩翼各設一學助教一員每佐領選幼童一人肄習國書是為建學立師之始今齊齊哈爾墨爾根黑龍江皆有官學其生徒每佐領一人如故惟司訓者名教習俗稱學官例以筆帖式充補滿三年引見用驍騎校

黑龍江外記卷三

六 廣雅書局采

宗室永_焜為將軍選齊齊哈爾八旗子弟二十人從龔君光瓚習漢書歲給束修八十兩柴炭費二十餘兩事始嘉慶元年俗謂之漢官學實義學也後龔忤副都統徒呼倫貝爾王君霖代之將軍那_{啟泰}召龔還卒龔復代之十一年秋余初抵任龔赦歸將軍觀_明從八旗請乃以余代

墨爾根黑龍江官學歲報諸生功課於將軍幕齊齊哈爾官學例由戶司稽察義學初立以水師營官果君德興為學長將軍不時至學考勤惰後將軍去學長裁生徒之額遂不足雖補送之令戶司時下八旗虛應故事而已說者謂滿官學生歲給膏火銀二兩義學生無之然則滿官學生嘗溢額義學生嘗不足額膏火有無所致也

呼倫貝爾向遣內大臣或侍郎一員爲統領始雍正十年至乾隆八年改設副都統銜總管一員歸將軍管轄其缺例用滿洲有關防而其下按部設官有索倫巴爾呼總管二副總管四佐領驍騎校各二十四新巴爾呼總管二副總管四佐領驍騎校各二十四鄂勒特總管一佐領二驍騎校四護軍校二並其餘關防蒙古繙譯及管台等筆帖式凡一百二十有八員布特哈初設索倫達呼爾總管二員副總管八員謂之打牲頭目副頭目康熙三十年後陸續增設滿洲總管一員副總管八員掌印治事以佐領驍騎校各九十七員關防筆帖式八員爲之屬皆部人

呼蘭城守尉一員雍正十二年設其下副總管二佐領驍騎校

黑龍江外記卷三

七

廣雅書局采

各八倉屯官各一筆帖式四委官六齊齊哈爾墨爾根黑龍江人與本城參用故號公缺

黑龍江自雍正元年始歲遣滿洲御史一員駐劄齊齊哈爾乾隆間改五年巡察一次近乃裁御史改遣盛京侍郎故土人猶有御史大人之稱至侍郎按部例以歲暮至省先黑龍江次墨爾根次布特哈次呼倫貝爾次齊齊哈爾次呼蘭由呼蘭回任復

命此巡察之序也先倉庫次軍器次船艦次技藝次文案次台站此巡察之事也

達呼爾部舊有提督鎮守八旗通志將軍郎諱傳云是晚令鎮守達呼爾提督白克進戰船於雅克薩城東南以備水戰事在

康熙二十四年五月二十四日時黑龍江已設將軍提督一官未詳駐劄何地何時裁撤

黑龍江八旗士卒品類有五曰前鋒曰領催曰馬甲曰匠役曰養育兵統計全省額設前鋒一百八十六名領催七百五十二名馬甲八千四百一十三名匠役一百五十二名養育兵八百名共一萬三百餘名平時自應其役軍興皆聽調撥往往以勇猛敢戰取翠翎珊瑚頂及巴圖魯名號如寄此海內所以稱勁旅也

前鋒國語曰噶布什先轉爲噶布先俗呼噶巴什齊齊哈爾八十名墨爾根黑龍江各四十名呼倫貝爾二十六名其人例服白比甲有頂則服白馬褂將軍副都統有事出入佩橐鞬負旗

黑龍江外記卷三

八 廣雅書局采

幟爲先導遇決囚亦充劊子役蓋兵中號勇捷者

領催國語曰博碩庫轉爲撥什戶佐領下會計書寫之兵也齊齊哈爾一百六十名墨爾根六十八名黑龍江一百四名呼倫貝爾二百四名布特哈一百八十四名呼蘭三十二名例以識字者充補凡馬甲所在率若輩長之

馬甲國語曰烏克申俗稱披甲尤西堂詩八旗披甲聚如山是也齊齊哈爾一千九百三十三名墨爾根七百六十八名黑龍江一千九百九十四名呼倫貝爾二千二百六十六名布特哈一千八百名呼蘭四百五十二名其役至雜至苦稍習書算者多給事諸司或爲親隨以取頂戴所餘以筋力任奔走之勞人愈寡役愈繁故俗於馬甲有破披甲窮披甲之目

康熙三十年

聖祖諭云齊齊哈爾地方以索倫達呼爾之眾酌量令其披甲
驍防遣滿兵二百人往彼教訓之伊等居址附近亦心樂披甲
如此則既無遠徙之苦亦不致需用糗糧矣按今日索倫達呼
爾馬甲較滿洲技藝有過無不及可謂青出於藍

匠役國語曰法克什其名目曰鳥鎗匠曰弓匠曰鐵匠曰鞍匠
凡四項齊齊哈爾六十一名墨爾根三十一名黑龍江四十四
名呼蘭十六名平時無事多在將軍副都統宅執灑掃役或擊
鐘以傳更點在銀庫貼寫有逾三十年者此爲最雅

養育兵國語曰華沙布勒綽哈嘉慶九年新設齊齊哈爾三百
二十名墨爾根一百八十名黑龍江三百名先是康熙五十五

黑龍江外記卷三

九 廣雅書局

年署將軍瑪

喀禮

請撥旗營兵三百五十名在烏寧克爾珠爾

亨等處屯田以償積欠雍正六年欠項完結將軍富

爾丹

請畱

兵一百八十名屯田餘並徹還應役乾隆三十九年將軍傅

玉

請將屯田改在齊齊哈爾附郭地方至是將軍觀

明

請改屯田

馬甲一名爲養育兵二並墨爾根黑龍江屯田者亦歸畫一號

曰公田此養育兵所由來也

水師營兵齊齊哈爾領催七名水手二百六十八名墨爾根領
催一名水手四十三名黑龍江領催八名水手四百一十九名
呼蘭領催一名水手三十九名駐劄吉林造船領催八名水手
三百名水手許充番子件作間有委放筆帖式者然與屯站二
項例皆不與征伐與旗兵異

上下二十站關防領催二名外每站領催一名壯丁二十六名
惟卜奎站壯丁多三名博勒集哈等六台每台領催一名壯丁
九名領催皆支餉銀壯丁無又茂興等站喀倫烏克申五十四
名緝捕逃盜是其專責雖壯丁爲之而支餉附於八旗

齊齊哈爾官屯領催三名壯丁三百名墨爾根官屯領催一名
壯丁一百五十名黑龍江官屯領催四名壯丁四百名呼蘭官
屯領催五名壯丁五百一十名壯丁亦無餉與台站同

幕府諸司鈔錄文案者曰貼寫國語謂愛什拉喇部院吏胥類
也馬甲爲之可授筆帖式他如兵司之舒什哈銀庫之庫丁印
房之書辦諸司之畫匠雖亦馬甲所充不過拔補前鋒領催而
已舒什哈國語鞭也兵有過若輩鞭之故名書辦用印者也畫

黑龍江外記卷三

十 廣雅書局采

匠裱背屋宇裝釘冊籍者也實不副名未詳何意

戈什哈親隨之稱將軍副都統名下前鋒領催馬甲並爲之長
以佐領等官號戈什哈哈番俗稱門官從前亦用布特哈兵爲
戈什哈乾隆六十年以事裁汰始專用本城協領王事亦有戈
什哈皆馬甲

番子司巡緝統以協領等官而隸於刑司故桁楊箠楚皆經其
手領催馬甲水手並充之戶司亦有番子照料貢物而已

外郎協領下辦事馬甲也領催爲之稱固山撥什戶皆於所部
佐領下拔其尤者而佐領下又自有牛彖外郎撥什戶旗曰固
山佐領曰牛彖此國語也

圖窪探路兵也官遠行如察邊之類例有圖窪爲前導其精幹

者馬上望之能測數里外有無泥水是否當迂路行亦一長也
圖窪哨望之謂切讀成一字乃合
每歲

駕駐木蘭齊齊哈爾墨爾根黑龍江呼蘭例派官兵十六人赴
行在較射布靶五箭中者

賜戴翎頂餘

賞銀有差又呼倫貝爾派十人布特哈派二十人隨

駕入哨射生謂之固申默爾根猶言三十名好身手也有能馳
獻麇鹿則拜翎頂黃馬褂之

賜而其外有哨鹿者二名布特哈人

前鋒領催缺馬甲補之馬甲缺匠役養育兵西丹

案西丹補之謂幼丁

黑龍江外記卷三

十一

廣雅書局

名曰驗缺其驗缺之制旗下報出缺於兵司兵司調應補者集
教場人具木牌一牌書旗分年歲及從征行役各履歷然後將
軍副都統按牌觀馬步射擇技藝精勞積著與夫食指太眾者
補之有因衰老請退者缺卽以其子弟補此將軍觀明驗缺法
也一時資緣請託絕跡無聞識者以比將軍綽爾多謂其公正
相埒

營站屯領催水手及喀倫烏喀申缺將軍副都統驗其能張弓
者補之餘貼寫之類諸司指名咨取兵司注冊不關白將軍副
都統

旗下未入伍者號西丹遇有征伐不得與多充庫圖勒因人自
奮以取功名如公海蘭察卽由此起家庫圖勒轉爲庫特勒譯

言控馬奴也都人嘗謂不受凌虐而衣食足者可稱庫特樂其
反是者直庫特累耳韓文懿公有懷堂詩作苦獨立蓋亦此意

黑龍江外記卷三

十三

廣雅書局

黑龍江外記卷三終

大六十五
小五